



Inatsisartuni ilaasortaq
Tillie Martinussen, Suleqatigiissitsisut

Plastikkitt sequnneri pillugit § 37 naapertorlugu apeqquteqaammut nr. 079-2020-mut akissut

Allakkat ulluat: 04-06-2020
Suliap normua: 2020 - 7274
Akt-id: 13831715

Asasara Tillie Martinussen

Postboks 1614
3900 Nuuk
Oqarasuaat: (+299) 34 50 00
Fax (+299) 34 54 10
E-mail: pan@nanoq.gl
www.naalakkersuisut.gl

Inatsisartut suleriaasianni § 37 naapertorlugu imermi plastikkitt sequnneri pillugit Naalakkersuisunut apeqquteqaateqarputit. Apeqqutitit uannit akisassanngorlugit innersuunneqarput.

- 1. Kalaallit Nunaata imartaani immap sikuini, imaani immamilu uumasuni plastikkitt tappiorannartunik mingutsinneqarsimanersut Naalakkersuisut misissuinissaminnut pilersaaruteqarpat?**

Akissut:

Naalakkersuisut plastikkitt sequnnerinik mingutsitsineq pillugu nammineerluni misissuinissamik aallartitsinissamut pilersaaruteqaangillat.

- 2. §37 naapertorlugu apeqqummut nr. 81/2019-imut Naalakkersuisut akissuteqaataanni ersippoq Kalaallit Nunaanni plastikkitt atuinermik annikillititsinissamut atueqqinnissamullu tunngatillugu Avatangiisinut Aningaasaateqarfimmumut qinnuteqarnissamut kajumissaarinermikkut piujuartitsilluni ineriartornermut FN-ip nunarsuarmi anguniagaa anguniaraat. Kajumissaarut tamanna tunngavigalugu suliniutit qassit aallartinneqarsimappat?**

Akissut:

2019-imi Avatangiisinut Aningaasaateqarfimmiit plastikkitt atuinermik annikillisaanissamut atueqqittarnissamullu suliassat arfineq pingasut aningaasaliissutissanik neriorsuuteqarfigineqarput.

- 3. §37 naapertorlugu apeqqummut 81/2019-imut akissuteqaammii eqqaaneqartutut immani plastikkitt tappiorannartut annikillisinneqarnissaat anguniarlugu nunatsinni ikuallaaviit pitsaanerusut qulakkeerneqarnissaat, soorlu aamma taaneqartoq eqqakkanik ikuallaanermiit mingutsitsinerup allap annikillisinneqarnissaa qanoq ingerlasimappat?**
 - a. Sumiiffiit sorliit pilersaarusiortfigineqarpat, imaluunniit sumiiffinni sorlarni eqqakkanik ikuallaaviit pitsanngorsaaffigineqarsimappat?**

Akissut:

Naalackersuisut kommunillu ataatsimoorlutik eqqagassalereqatigiiffiat ESANI A/S nuna tamakkerlugu eqqagassalerinermi aaqqiissutissanik atuutsitsilernissamik suliaqarput, tassanilu nuna tamakkerlugu ikuallaaviit 2022-mi Sisimiuni aamma 2023-mi Nuummi sananeqarnissaat pilersaarutigineqarpoq. Ikuallaaviit nutaaliaasut taakku nuna tamakkerlugu eqqakkanik tiguisinnaasussaapput.

- 4. Imeq imigassarput kiisalu nunatsinni inuussutissat plastikkinik tappiorannartoqarnersut imaluunniit ikuallaanerup angerlarsimaffinniilluunniit eqqakkanik piiaanerup, aamma anartarfilerinerup, imaluunniit sananeqaatinik minnernik nalinginnaasunik piiaanerup malittarisaannik mingutsitsinernik allanik misissuinissamut Naalackersuisut pilersaaruteqarpat?**
 - a. Akissut aappiuppat, tamassuma qaqugu pinissaa naatsorsuutigineqarsinnaava?
 - b. Akissut naamiuppat, peqqutaanik Naalackersuisut nassuiaanissaminnut piumaffigineqarput.

Akissut:

Naalackersuisut maannarpiaq imeq imigassaq plastikkit sequnnerinik akoqarnersut misissuinissamik pilersaaruteqanngillat. Imeq imigassaq *erngup imigassap pitsaassusia aamma imermik pilersuiviit nakkutigineqarnerat pillugit Namminersornerullutik Oqartussat nalunaarutaat nr. 7, 17. marts 2008-imeersoq* naapertorlugu misissuiffigineqartarpoq.

- 5. Imermi imigassatsinni ilaatigut plastikkinik tappiorannartunik sorjuiaaniarutta sorjuiaatit sorliit atussavagut?**
 - a. Nunatsinni sumiiffinni sorlerni?

Akissut:

Nukissiorfiit ullumikkut puussiat filterit imaluunniit sioqqat filterit, plastikkinik tappiorannartunillu allanik, 1 my-nik angissusilinnik immikkoortiterisinnaasut atorlugit imermik issingersisarpoq.

- 6. Imermik imigassatsinnik mingutsitsisut sorliit malinnaavigineqarnissaat Naalackersuisut pingaartippaat?**
 - a. Nunatsinni sumiiffinni sorlerni?

Akissut:


Erngup imigassap akuutissanik, *erngup imigassap pitsaassusia aamma imermik pilersuiviit nakkutigineqarnerat pillugit Namminersornerullutik Oqartussat nalunaarutaanni nr. 7-imi, 17. marts 2008-imeersumi* allassimasunik akoqarnersoq misissuisoqartarnissaa Naalackersuisunit pingaartinneqarpoq. Illoqarfinni nunaqarfinnilu tamani imermik imigassamik misissuisoqartartussaavoq.

- 7. 2019-imi Upernaakkut Ataatsimiinnermi nunatsinni plastikkimik atuinerup annikillisarneqarnissaanut iliuusissanut pilersaarusiortoqarnissaa aalajangiiffigineqarpoq. Tamanna 2020-mi Upernaakkut Ataatsimiinnermi saqqummiunneqartussaassaaq. Naalakkersuisut tamanna pillugu suliaartik sumut killippaat?**

Akissut:

COVID19-ip atunnera peqqutaalluni suliniutissanut pilersaarut 2020-mi Upernaakkut ataatsimiinnermi saqqummiunneqassanngilaq, tamatumunngali taarsiullugu 2021-mi upernaakkut ataatsimiinnermi saqqummiunneqarnissaa naatsorsuutigineqarpoq.

Inussiarnersumik inuulluaqqusillunga



Jess Svane